



UNIVERSITÄTS-
BIBLIOTHEK
PADERBORN

Sacrarvm Antiqvitatvm Monvmenta

Hillesheim, Ludwig

Antverpiæ, 1577

Ezechias.

[urn:nbn:de:hbz:466:1-68887](https://nbn-resolving.de/urn:nbn:de:hbz:466:1-68887)



4. Reg. 17. Tandem facta fides dictis, quæ plurima vates
Numinis instinctu differuere, fuit.

Regna

*Regna Israëlis sceptris quondam emula nostris
Fracta sub Assyrio procubuere iugo.*

*Causa grauis pœnæ summum spreuisse parentem:
O utinam regno sit procul illa meo!*

*Nos quoque maiorum delinquimus acta secuti,
Nostraq; non leuius crimina pondus habent.*

*Sed mihi mens melior vetitos auertere cultus,
Officium veri nobile regis, erat.*

*Fumabant celsæ vetitis suffitibus aræ,
Si qua vel aereis collibus arbor erat.*

*Squallebant occlusa situ templa alta, nec villa
Antiquæ facies relligionis erat.*

*Nos virides lucos fortis succidimus ausu,
Fregimus & iusta numina falsa manu.*

*Et templi ritus, sacrosq; ex ordine mystas
Legibus, & recta iussimus ire via.*

*Sic ubi relligio rediuium accepit honorem,
Impius Assyriis finibus hostis adest.*

*Occupat & Solymos numero milite campos,
Sed Deus oppressis maximus ultor adest.*

*Agmina strata virum cælo iacuere perempti:
Nos pro concessa vota salute damus.*

*Inclita se facta maiestas numinis illo,
Præsentem iustis prodidit esse Deum.*

*Longior emeriti sic & mihi terminus ævi
Additus, extrema cum peteretur ope est.*

*Tu mea progenies rectum tenuisse memento,
Ominor aut dirum chare Manasse tibi.*

4. Reg. 18.

4. Reg. 18, 19
Esaïe 36.4. Reg. 20.
Esaïe 38.

IOSIAS.